

ք.Եղեգնաձոր

18 մայիսի 2016թ.

**Վայոց ձորի մարզի վիրուսային, մասնավորապես՝ արտաընդերային
ճանապարհով փոխանցվող հեպատիտների կանխարգելման հանձնաժողովի
նիստի**

Նիստի աշխատանքներին մասնակցում են՝

փոխմարզպետ , հանձնաժողովի նախագահ Մ.Հարությունյանը
հանձնաժողովի անդամներ՝

մարզպետարանի աշխատակազմի առողջապահության և սոցիալական ապահովության վարչության առաջատար մասնագետ Հ.Սարգսյանը /քարտուղար/, մարզպետարանի աշխատակազմի առողջապահության և սոցիալական ապահովության վարչության պետի տեղակալ Ս.Շահբազյանը, ՀՎԿԱԿ ՊՈԱԿ Վայոց ձորի մասնաճյուղի բժիշկ-համաճարակաբան Ե.Շիրինյանը, <<Վայքի ԲՄ>> ՓԲԸ-ի տնօրենի տեղակալ Ա.Գալստյանը, <<Եղեգնաձորի ԲԿ>> ՓԲԸ-ի տնօրենի տեղակալ Կ.Ասատրյանը, <<Վայքի ԲՄ>> ՓԲԸ-ի ինֆեկցիոն բաժանմունքի վարիչ Է.Հանիսյանը, ԱՊՏ Վայոց ձորի մարզային կենտրոնի բժիշկ-համաճարակաբան Բ.Ծերունյանը, ԱՊՏ Վայոց ձորի մարզային կենտրոնի բժիշկ-համաճարակաբան Հ.Խաչատրյանը:

Նիստին հրավիրված են՝

ՀՀ Վայոց ձորի մարզպետ Հարություն Սարգսյանը, <<Վայքի ԲՄ>> ՓԲԸ-ի տնօրեն Ռ.Ասլանյանը

ՕՐԱԿԱՐԳՈՒՄ

1. <<Եղեգնաձորի ԲԿ>> ՓԲԸ-ում և <<Վայքի ԲՄ>> ՓԲԸ-ում արտաընդերային ճանապարհով փոխանցվող վարակների կանխարգելման ուղղությամբ տարվող աշխատանքների ներկա վիճակի և առաջիկա խնդիրների մասին:
2. Ընթացիկ հարցեր և առաջարկություններ:
3. Հանձնաժողովի նիստի ամփոփում:

Լսեցին՝

1. Հանձնաժողովի նիստը ղեկավարեց ՀՀ Վայոց ձորի մարզպետ Հարություն Սարգսյանը՝ ներկայացրեց օրակարգում ընդգրկված հարցերը:

Արտահայտվեցին՝

ՀՎԿԱԿ ՊՈԱԿ Վայոց ձորի մասնաճյուղի բժիշկ-համաճարակաբան Ե. Շիրինյանը: Նշվեց, որ մարզի առողջապահական և բժշկական կենտրոններում՝ հատկապես <<Եղեգնաձորի ԲԿ>> ՓԲԸ-ում և <<Վայքի ԲՄ>> ՓԲԸ-ում բավականին լուրջ և արդյունավետ աշխատանքներ են տարվել վարակների կանխարգելման ուղղությամբ: Ձեռք են բերվել մանրէազերծող սարքեր, մաքրող և լվացող համապատասխան նյութեր: Անցկացվել են նաև բուժ.անձնակազմի համապատասխան մասնագիտական վերապատրաստման դասընթացներ, որոնք ամփոփվել են հատուկ ստուգարքների միջոցով: Ե.Շիրինյանի տեղեկությամբ, բուժ.անձնակազմերն այժմ ունեն անհրաժեշտ գիտելիքներ վարակների կանխարգելման և գործընթացը հսկողության տակ պահելու համար:

Անցկացվել են բուժաշխատողների արյան հետազոտական անալիզներ՝ հեպատիտ B-ի և C-ի հայտնաբերման և կանխարգելման նպատակով:

Քննարկվող հարցերի շուրջ արտահայտվեցին <<Վայքի ԲՄ>> ՓԲԸ-ի տնօրեն Ռ.Ասլանյանը, <<Եղեգնաձորի ԲԿ>> ՓԲԸ-ի տնօրենի տեղակալ Կ.Ասատրյանը, ԱՊՏ Վայոց ձորի մարզային կենտրոնի բժիշկ-համաճարակաբան Բ.Ծերունյանը:

Ամփոփելով հանձնաժողովի նիստի աշխատանքերը Խոսելով դրական տեղաշարժերի մասին, մարզպետը ողջունեց տարված աշխատանքերը և նշեց, որ հարկավոր է շարունակել վեր հանել առկա բոլոր խնդիրները, որպեսզի դրանց արագ կարգով հանգուցալուծում տրվի: Առաջարկվեց աշխատել մարզում գործող ստոմատոլոգիական մասնավոր կազմակերպությունների և գեղեցկության սրահների աշխատակիցների հետ վարակների տարածման կանխարգելման նպատակով:

Հանձնաժողովը առողջապահական կազմակերպությունների ղեկավարների ուշադրությունը հրավիրեց հետևյալ խնդիրների վրա.

- Շարունակել կազմակերպել միջին բուժաշխատողների և բժշկական անձնակազմի ուսուցման դասընթացները,
- Շարունակել բուժհաստատություններին ապահովել ախտահանման նյութերով և ուլտրամանուշակագույն լամպերով (բակտերազերծ լամպեր),
- Բարձրացնել հիվանդանոցների բուժառայությունների բաժանմունքների (վիրաբուժական, ինֆեկցիոն, մանկաբարձ-գինեկոլոգիական, ընդունարանի, շտապօգնության) պատասխանատուների աշխատանքի արդյունավետությունը ներհիվանդանոցային վարակների կանխարգելման միջոցառումների ուղղությամբ:
- Հանձնաժողովի հերթական նիստի քննարկմանը դնել ԱԱՊԿ-ների և <<Ջերմուկի ԱԿ>> ՓԲԸ-ի կատարած աշխատանքների մասին հարցը:

Հանձնաժողովի նախագահ՝



Մ. Հարությունյան

Քարտուղար՝



Սարգսյան